



Claude WISELER
President vun der
Chamber vun den Deputéierten
19, um Krautmaat
L-1728 Lëtzebuerg

Lëtzebuerg, den 20/08/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Landwirtschaft, Ernährung a Wäibau weiderzeleeden.

An der Äntwert op d'parlamentaresch Fro N°1406 vum 28. November 2024 huet d'Ministesch fro Gesondheet a sozial Sécherheet wichteg Informatiounen iwwer d'Obesitéitssituatioun zu Lëtzebuerg geliwwert. Besonnesch alarmant ass d'Tatsaach, datt den Undeel vun Iwwergewicht/Obesitéit bei Jugendlechen tëschent 11-18 Joer vu 14% am Joer 2006 op 21% am Joer 2022 geklommen ass, an datt et eng staark Korrelatioun mat dem sozioekonomeschen Niveau gëtt.

Während d'Zuele fir Kanner tëschent 4-12 Joer relativ stabil bliwwen sinn (ëm 13-14%), besteet d'Gefor, datt d'Basis fir Iwwergewicht schonn an der fréier Kandheet geluecht gëtt. Wichteg an deem Kontext ass, dass Fettzellen bei iwwergewichtege Kanner dacks schonn an der Kandheet vill méi staark geklommen si wéi bei Kanner mat engem normale Gewicht, wat dofir suergt, dass dës e vill méi héije Risiko hunn, och als erwuesse Persoun iwwergewichteg ze bleiwen, well d'Fettzellen ee Liewe laang am Kierper bleiwen an och duerch eng Diät net manner ginn. An dësem Kontext spillen dowéinst och Liewensméttel, déi speziell fir Puppelcher a kleng respektiv jonk Kanner entwéckelt an ugebuede ginn, eng wichteg Roll.

Vill industriell Produkter, wéi zum Beispill d'Uebstglierescher fir Beebeeën oder speziell Desserten, Snacken oder aner Liewensméttel fir kleng respektiv jonk Kanner enthalten typescherweis héich Zockerquantitéiten, och wann se als "natierlech", "gesond" oder als gudde Pausesnack vermaart ginn. Dëst fréit Gewinnen un de séisse Goût kann d'Geschmacksvirléiften an d'Alimentatiounsverhalen op laang Sicht ganz staark beaflossen, well dës besonnesch staark an den éischten zwee Liewensjore vun engem Kand geprägt gëtt.

An deem Zesammenhang wéilt ech der Ministesch dës Froe stellen:



1. Gëtt et spezifesch Donnéeën iwwer Iwwergewicht/Obesitéit bei Kanner ënner 4 Joer zu Lëtzebuerg? Wéi ginn dës Donnéeën erhuewen an iwwerwaacht, a wéi entwéckelt sech d'Situatioun an dëser Altersgrupp?
2. Wéi eng national an europäesch Reguléierung ginn zu Lëtzebuerg applizéiert fir d'Zesummesetzung vun industriell hiergestallte Liewensmëttel fir Puppelcher a kleng Kanner ze kontrolléieren? Gëtt et spezifesch Limite fir den Zocker-, Salz- a Fettgehalt an dëse Produkter?
3. Wéi héich ass den duerchschnëttlechen Zockergehalt an de meescht verkaaften industriellen hiergestallte Produkte fir Puppelcher wéi zum Beispill Gliesercher mat Uebstbräi, respektiv a Liewensmëttel, déi spezifesch kleng respektiv jonk Kanner sollen usprechen? Gëtt et eng Iwwerwaachung vum Zockergehalt an dëse Produkter?
4. Wéi ginn dës Produiten zu Lëtzebuerg kontrolléiert? Gëtt et reegelméisseg Analyse vum Zockergehalt an aneren Nährstoffer an dëse Produkter? Wéi eng Sanctiounen existéieren, wann d'Produkter net de Reglementatiounen entsprechen?
5. Ass d'Ministesch der Meenung, dass d'Etikettéierung vun dëse Produkter wat den Zockergehalt ugeet, transparent genuch gestallt ass, fir op een héijen Zockergehalt opmierksam ze maachen? Ginn d'Eltere genuch iwwer d'Auswierkunge vum héijem Zockergehalt op d'Gesondheet vun hir Kanner informéiert?
6. Gëtt et spezifesch Campagnen oder Informatiounsinitiativen fir Elteren iwwer d'Richtlinne fir eng gesond Alimentatioun bei Puppelcher a kleng Kanner ze informéieren?
7. Plangt d'Regierung, eventuell och op europäeschem Niveau, verschäerft Reguléierungen oder Richtlinne fir d'Reduktioun vum Zockergehalt an industriell hiergestallte Liewensmëttel fir Beebeeën a kleng Kanner? Gëtt et Initiativen op europäeschem Niveau fir d'Reguléierung vun dëse Produkter ze harmoniséieren?

Mat déiwem Respekt,





CLEMENT Sven
Deputéierten





Gemeinsam Äntwert vun der Ministesch fir Landwirtschaft, Ernährung a Wäibau a vun der Ministesch fir Gesondheet a sozial Sécherheet op d'parlamentaresch Fro n°2799 vum 20. August 2025 vum éierewäerten Deputéierte Sven Clement

1. Gëtt et spezifesch Donnéeën iwwer Iwwergewicht/Obesitéit bei Kanner ënner 4 Joer zu Lëtzebuerg? Wéi ginn dës Donnéeën erhuewen an iwwerwaacht, a wéi entwéckelt sech d'Situatioun an dëser Altersgrupp?

De Ministère fir Gesondheet a sozial Sécherheet huet keng spezifesch Donnéeën iwwer d'Iwwergewicht oder d'Obesitéit bei Kanner ënner 4 Joer. Allgemeng Informatiounen zur Gesondheet vun de Kanner fënnt een am Rapport „*Eng gesond Zukunft*“, deen am Januar 2024 publizéiert gouf¹.

2. Wéi eng national an europäesch Reguléierung ginn zu Lëtzebuerg applizéiert fir d'Zesummesetzung vun industriell hiergestallte Liewensmëttel fir Puppelcher a kleng Kanner ze kontrolléieren? Gëtt et spezifesch Limite fir den Zocker-, Salz- a Fettgehalt an dëse Produkter?

D'Zesummesetzung vun industriell hiergestallte Liewensmëttel fir Puppelcher a kleng Kanner ass op europäeschem an nationalem Niveau gereegelt.

Europäesch:

- Règlement (UE) No 609/2013 du Parlement Européen et du Conseil du 12 juin 2013 concernant les denrées alimentaires destinées aux nourrissons et aux enfants en bas âge, les denrées alimentaires destinées à des fins médicales spéciales et les substituts de la ration journalière totale pour contrôle du poids ;
- Directive 2006/125/CE de la Commission du 16 février 1996 concernant les préparations à base de céréales et les aliments pour bébés destinés aux nourrissons et enfants en bas âge.

National:

- Règlement grand-ducal du 27 août 1997 concernant les préparations à base de céréales et les aliments pour bébés destinés aux nourrissons et enfants en bas âge. (*Transpose l'ancienne directive 96/5/CE*) ;
- [Projet de loi](#) qui transposera la directive 2006/125/CE.

Déi spezifesch Limitten iwwer de Gehalt un Zocker, Fett a Salz si mam Règlement grand-ducal vum 27. August 1997 festgeluecht ginn. Déi zwee follgenden Tableaue resuméieren d'Wäerter fir Zocker, Fett a Salz.

¹ <https://santesecu.public.lu/fr/publications/o/obsante-infographies-sante-enfants.html>

Tableau 1: Résumés des quantités maximales autorisées en glucides, lipides et sodium pour les préparations à base de céréales pour nourrissons et enfants en bas âge

Catégorie	Exemple concret	Sucres ajoutés	Lipides	Sodium *
Art. 1.2 a) i – Céréales simples	Bouillie avoine nature	≤ 7,5 g/100 kcal glucides ajoutés (≤ 3,75 g/ 100kcal fructose ajouté)	≤ 3,3 g/100 kcal	≤ 100 mg/100 g
Art. 1.2 a) ii – Céréales à complément protéinique	Bouillie lactée instantanée	≤ 5 g/100 kcal glucides ajoutés (≤2,5 g / 100 kcal fructose ajouté)	≤ 4,5 g/100 kcal	≤ 100 mg/100 g
Art. 1.2 a) iii – Pâtes bébé	Pâtes à faire bouillir dans l'eau	/	/	≤ 100 mg/100 g
Art. 1.2 a) iv – Biscottes et biscuits	Biscottes ou biscuits	≤ 7,5 g/100 kcal glucides ajoutés (≤ 3,75 g/ 100kcal fructose ajouté)	≤ 3,3 g/100 kcal	≤ 100 mg/100 g
<i>*Les sels de sodium ne peuvent être ajoutés aux préparations à base de céréales qu'à des fins technologiques.</i>				

Tableau 2: Résumés des quantités maximales autorisées en glucides, lipides et sodium pour les aliments pour bébés destinés aux nourrissons et aux enfants en bas âge

Catégorie	Exemple concret	Glucides totaux	Lipides	Sodium*
Art. 1.2 b – Purées légumes	Purée carottes-pommes de terre	/	≤ 4,5 g/100 kcal	≤ 200 mg/100 g
Art. 1.2 b – Compotes / purées fruits	Compote pomme-poire	≤ 20 g/100 g	≤ 4,5 g/100 kcal	≤ 200 mg/100 g
Art. 1.2 b – Desserts / puddings	Crème dessert, semoule	≤ 25 g/100 g	≤ 4,5 g/100 kcal	≤ 200 mg/100 g
Art. 1.2 b – Jus de légumes	Jus de carottes	≤ 10 g/100 ml	≤ 4,5 g/100 kcal	≤ 200 mg/100 ml
Art. 1.2 b – Jus de fruits, nectars, boissons à base de fruits	Jus de pomme	≤ 15 g/100 ml	≤ 4,5 g/100 kcal	≤ 200 mg/100 ml
Art. 1.2 b – Autres boissons non lactées	Tisanes, infusions	≤ 5 g/100 g	≤ 4,5 g/100 kcal	≤ 100 mg/100 ml
<i>*Les sels de sodium ne peuvent être ajoutés aux produits à base de fruits, ni aux desserts ni aux puddings, sauf à des fins technologiques</i>				

3. Wéi héich ass den duerchschnëttlechen Zockergehalt an de meescht verkaaften industriellen hiergestallte Produite fir Puppelcher wéi zum Beispill Gliesercher mat Uebstbräi, respektiv a Liewensmëttel, déi spezifesch kleng respektiv jonk Kanner sollen usprechen? Gëtt et eng Iwwerwaachung vum Zockergehalt an dëse Produkter?

Industriell hiergestallte Produkter fir Puppelcher a kleng Kanner – mat Ausnam vun der Puddermëllech – müssen net offiziell bei der ALVA gemellt ginn. Aus dësem Grond leien och keng Donnéeën vum duerchschnëttlechen Zockergehalt vun dëse Produite vir. Am Kader vun der Liewensmëttelkontroll, eng spezifesch Iwwerwaachung vum Zockergehalt an dëse Produite fënnt aktuell net statt. D'Liewensmëttelproduzenten droen d'Verantwortung, déi gesetzlech Ufuerderungen anzehalen.

4. Wéi ginn dës Produiten zu Lëtzebuerg kontrolléiert? Gëtt et reegelméisseg Analyse vum Zockergehalt an aneren Nährstoffer an dëse Produkter? Wéi eng Sanctiounen existéieren, wann d'Produkter net de Reglementatiounen entsprechen?

Zu Lëtzebuerg ginn dës Produiten ënner anerem op folgend Substanze kontrolléiert: Schwéiermetaller, Mykotoxinen (z. B. Aflatoxinen, Fumonisin, Ochratoxin A), chemesch Kontaminanten (z. B. Pestiziden, Nitraten, PFAS, Mineralueleger), mikrobiologesch Kontaminanten a Substanzen, déi sech während der Herstellung kënnen bilden (z. B. Furan, Acrylamid, polyzyklesch aromatesch Kuelewaasserstoffer).

Analysen iwwert de Zockergehalt oder aner Nährstoffer ginn aktuell net duerchgefouert. Wann e Produkt net der Reglementatioun entsprécht, gëllen d'Sanktiounen, déi an der *loi du 28 juillet 2018 instaurant un système de contrôle et de sanctions relatif aux denrées alimentaires* virgesi sinn.

An der Praxis heescht dat, datt en Evaluatiounsrapport erstallt gëtt, an deem d'Mesuren entsprechend der festgestallter Non-Konformitéit festgehale ginn. Dës kënnen vum Réétiquetage – zum Beispill am Fall vun enger inkorrektער Nährwertdeklaratioun – bis hin zum Retrait oder Rappel vum Produit reechen, inklusiv enger Demande fir d'Ännerung vun der Zesummesetzung, wann déi gesetzlech Limiten net a gehale goufen. All Kontroll zitt e bezuelbare Suivi mat sech.

5. Ass d'Ministesch der Meenung, dass d'Etikettéierung vun dëse Produkter wat den Zockergehalt ugeet, transparent genuch gestallt ass, fir op een héijen Zockergehalt opmierksam ze maachen? Ginn d'Eltere genuch iwwer d'Auswierkunge vum héijem Zockergehalt op d'Gesondheet vun hir informéiert?

D'Liewensmëttelkennzeechnung, och fir Produiten déi fir Kanner geduecht sinn, ënnerläit der EU-Veruerdung (EU) Nr. 1169/2011², déi ënner anerem eng obligatoresch Nährwertdeklaratioun fir virverpaakte Liewensmëttel virschreift.

Déi obligatoresch Nährwertdeklaratioun muss folgend Informatiounen enthalen: den Energiegehalt, d'Quantitéit u Fett, gesiedegte Fettsaieren, Kuelenhydrater, Zocker, Proteinnen a Salz.

Dës Deklaratioun muss d'Quantitéit u Kuelenhydrater an Zocker ugin, ausgedréckt a Gramm pro 100 g oder 100 ml, fir et de Konsumente méi einfach ze maachen, d'Produiten ënnerteneen ze vergläichen.

² [Règlement - 1169/2011 - EN - inco - EUR-Lex](#)

Och wann et méi spezifesch Bestëmmungen an der Veruerdnung (EU) Nr. 609/2013 souwéi an der Direktiv 2006/125/EG³ fir Getreidepreparatiounen an d'Bébénahrung fir Neigebueren a Klengkanner gëtt, ginn d'Reegelen zur Kennzeechnung vu Kuelenhydrater no der selwechter Logik wéi fir aner Liewensmëttel ugewannt.

D'delegéiert EU-Veruerdnung 2016/127⁴ – Nahrung fir Neigebueren a Folgemëllech – verbitt all ernierungstechnesch Aussoen op Bébénahrung.

Déi negativ Auswierkunge vum Marketing am Beräich vun der Ernierung ginn ëmmer méi ënnersicht a bewisen. Eng rezent Studie⁵ iwwer den Impakt vu Liewensmëttelkennzeechnungen op d'Ernierungsentscheedunge vun Eltere fir hir Kanner, weist ënner anerem, datt Message wéi „ab 6 Méint“ oder „ouni bäigesaten Zocker“ dozou féiere kënnen, datt Elteren de reellen Zockergehalt ënnerschätzen. Kloer Warnhinweiser iwwert den Zocker reduzéieren d'Bereetschaft fir de Produit ze kafen.

6. Gëtt et spezifesch Campagnen oder Informatiounsinitiativen fir Elteren iwwer d'Richtlinne fir eng gesond Alimentatioun bei Puppelcher a klenge Kanner ze informéieren?

Den nationale Kaderplang GIMB „Gesond iessen, Méi beweegen“, deen eng equilibréiert Ernierung an eng reegelméisseg kierperlech Aktivitéit promovéiert, ëmfaasst verschidden Initiativen, déi d'Zil hunn, eng gesond Ernierung fir Kanner ze fërderen an hir Elteren ze sensibiliséieren:

Campagnen

- Campagne nationale 2024 an 2025 : Réduction de la consommation de sucre : www.gimb.public.lu/fr/campagne-gimb.html (Resultater vun der Campagne 2024 : Rapport d'activité GIMB 2024 : www.gimb.public.lu/fr/publications/2025/rapportdactivite2024.html)
- Campagne 2023 : Article an der Zeitung Kachen iwwer « Petit déjeuner équilibré pour les enfants »

Brochuren

- Moieskaffi a Collatioun
www.gimb.public.lu/fr/publications/2025/brochurepetitdejeuner.html
Flyer « Comment créer une boîte à tartines équilibrée »

Guiden

- Ernierung fir de Bébé : www.gimb.public.lu/fr/publications/2022/alim-nourrison.html
- Carnet de maternité- Partie informations
<https://santesecu.public.lu/fr/publications/c/carnet-maternite-dossier-medical.html>

Site GIMB :

- Recommandatiounen fir d'schwanger Fra : www.gimb.public.lu/fr/gesund-iessen/besoins-nutritionnels/femme-enceinte.html
- Recommandatiounen fir de Bébé : www.gimb.public.lu/fr/gesund-iessen/besoins-nutritionnels/bebe.html
- Recommandatiounen fir Klengkanner : www.gimb.public.lu/fr/gesund-iessen/besoins-nutritionnels/petite-enfance.html

³ Directive - 2006/125 - EN - EUR-Lex

⁴ Règlement délégué (UE) 2016/127

⁵ How labelling of commercial infant food impacts parents' beliefs about sugar content and related purchasing and feeding decisions: a scoping review

- Recommandatiounen fir Kanner : www.gimb.public.lu/fr/gesund-iessen/besoins-nutritionnels/enfant.html

Sensibiliséierungsdeeg

- Journée GIMB 2025, 24 October : Prett fir d'Liewen, L'importance de manger équilibré et de bouger, dès la préconception à la petite enfance : www.gimb.public.lu/fr/publications/2025/journeegimb2025.html
- Journée GIMB 2024 : GIMB, un projet de vie : www.gimb.public.lu/fr/programme-gimb/journees-gimb/journeegimb2024.html

Am Kader vum GIMB, schafft d'Gesondheetsdirektioun mam Educatiounsministère un d'Elaboratioun vun engem Guide iwwer eng equilibréiert Ernierung fir kleng Kanner dës soll d'Praktiken an de Services fir Bildung an Empfang (SEA) harmoniséieren.

Zousätzlech ginn Formatiounen fir d'Personal vun de SEA organiséiert déi sech op d'Recommandatiounen vum GIMB baséieren.

7. Plangt d'Regierung, eventuell och op europäeschem Niveau, verschäerft Reguléierungen oder Richtlinne fir d'Reduktioun vum Zockergehalt an industriell hiergestallte Liewensmëttel fir Beebeëen a kleng Kanner? Gëtt et Initiativen op europäeschem Niveau fir d'Reguléierung vum dëse Produkter ze harmoniséieren?

Am Kader vun der Reglementatioun (EU) Nr. 609/2013 vum 12. Juni 2013 *sur les denrées alimentaires destinées aux nourrissons et aux enfants en bas âge, les denrées alimentaires destinées à des fins médicales spéciales et les substituts de la ration journalière totale pour contrôle du poids* — ass virgesinn, datt d'Kommissioun en neie Règlement délégué iwwer Puppelchers- a Kannernahrung adoptéiert. D'Aarbechten un dësem Text sinn ënnerbrach, an et ass den Ament net ofzegesinn, wéini si nees opgehooll ginn.

Lëtzebuerg, den 2. Oktober 2025

(s.) Martine HANSEN

Ministesch fir Landwirtschaft, Ernährung a Wäibau